

四庫全書

集部

欽定四庫全書

橘山四六卷十八

宋 李廷忠 撰

明 孫雲翼 注

回寄居張節推

猥從半刺叨竊一麾慚無騎竹之童爭迎於道喜有泛

蓮之客適憇是邦

憇音罷說文息也詩召伯所憇本作憇詩汜可小憇亦作憇漢書度三壘

今偈棠梨師古注讀作憇李太白詩憇跡于此至移三霜焉

行矣親仁惠然枉教恭

惟某官陽春和寡月旦評高加之涵養之功期以光明

之業所居可紀姑且從幕下之羅其用善藏曾未見囊中之穎帝方思老成之彥公正當晚達之時某自顧無庸奚堪共理過于木之廬必式問政宜先

呂氏春秋魏文侯過于木

之廬而式曰于木蓋賢人也

得陳遵之牘為榮報言敢後

到任謝廟堂

填海無功僥踰滿秩隆天有命冒昧分符由廟謀欲重於外官凡邊守多求於佐史得從意表惕若魂驚伏念某本是凡流絕無他技平生惟知守清苦之節所至未

嘗懷苟且之心荆為巖邦信非讀書鳴琴之可治鄂亦

涓郡豈容吟風嘯月以自娛

武昌隋唐時為鄂州韓文豈無涓郡庸以自效積

兩地尺寸之勞

孔光傳卒無尺寸之效

辱羣公品題之重退安愚

分絕望榮塗敢謂公朝紀孤冷之蹤忽蒙誤恩與近便

之壘匪因私請實自隆知矧是荆岑

張九齡詩策馬旁荆岑杜詩荆岑彈

未已介於襄水

韻會襄水楚之西津魏武置襄陽郡西魏改襄州因水立名

當北塞

要衝之路作南州捍蔽之門天驕所殘

匈奴傳單于遺漢書自云單于

天之驕子不為小禮以自煩李詩天驕五單于狼戾民

好山殘又天驕毒威武王維詩居延門外獵天驕

察未復必有疏通強敏之術乃成經理撫輯之功自顧  
歎然曷克任此茲蓋伏遇某官揆元業茂熙載勲崇大  
臣慮四方知邊方之為急宰相遂萬物唯小物之克勤

豈以無階在朝乃至於遐遺

匡衡傳楊興說史高曰匡衡才智有餘經學絕倫但

以無階朝廷故隨牒在遠方將軍誠召至幕府與參軍議觀其所有貢之朝廷必為國器使其有志

為民即俾之共理信此道如懸於衡石愧不才亦玷於  
於埏鎔某敢不刻勵內修糜捐上報方漢宗嚴科瑣之

令非曰具文

丙吉傳召東曹案邊長吏瑣科條其人

若晉陽宣保障之勞

尚能自力

到任謝劉制帥

積愧坐輿進叨乘障小國事大國共命令以宜先一天  
有二天託照臨而寢邇凌兢拜寵感慨陳辭伏念某本  
是凡流迄無他技

同前云云

茲蓋伏遇某官清班人傑先覺

儒宗植操貫乎嚴凝持心根於平恕篤禮樂詩書之教

加幸羣氓專弓矢鈇鉞之權用威不軌

韓文當藩垣屏翰之任有弓矢

鈇鉞之權

如聞有味之語頗及無能之人昔者佐州厚為之

覆蒙今焉護塞復歸於節制乃造物之陰相有終身之榮逢某敢不遵奉使條昭宣皇指念其近在宇下少推寬假之恩使之謹守邊關庶獲安寧之效真誠所嚮至訥奚云

謝王總領

求邊守於佐史之間誤蒙推擇望使華於諸侯之上復託照臨凡兩地之所遭非一天之可喻視竈得吉貢鯉為恭伏念某

同前云云

茲蓋伏遇某官耿介拔俗清明如神

妙矣心籌豈特給開中之餉大其已任又將拯天下之  
饑凡今日握節之聲名乃他時轉鈞之事業念八十州  
所部之甚廣欲二千石共理之皆良與其邊瑣有警始  
為之科條孰若皇華所臨不逃於裁鑒齒牙餘論羽翼  
遂成甫當畢戍之期更冒就遷之寵某敢不昭宣德意  
祇服教條空海沂之邦既曲蒙於掩覆護雲中之塞尚  
勉效於拊摩

馮唐傳魏尚為雲中守匈奴遠避不敢近雲中之塞

銜惠有歸占詞

罔效



謝諸司

猥從半刺叨竊左符雖云千里提封之殊俱在二天照臨之下所幸者孤身之有托惟懼夫重任之莫勝伏念

某

同前云云

茲蓋伏遇某官耿介拔俗清明如神察百吏罔

差於錙銖人其誠服念一夫不被於潤澤已所深憂肯專用柱後惠文冠之威嚴欲大施筆端造化鑪之工巧遠而將指同此推心遂令極陋之資亦忝惟良之寄某謹當昭宣上意祇服使條空海沂之邦既曲蒙於掩覆

護雲中之塞尚勉效於拊摩銜惠有歸占辭罔喻

### 通隣郡

居一郡乘一障豈書生之所能

張湯傳上謂狄山曰吾使生居一郡能無使虜

入冠乎山曰不能曰居一縣曰不能復曰居一障間山自度辯窮且下吏曰能乃遣山乘障至月餘匈奴斬山頭而去結四援守四隣有寶國之足恃敢於始事之日脩

此交聘之儀恭惟某官器資翹明丰度凝遠由南溟九

萬程而上孰能禦之

方千詩搏風九萬即前程

在西京二千石之良

無以加此矧山川險要之地屬宵旰顧憂之時

張湯傳日旰天

子忘食杜詩宵旰憂虞軫喜得名流聊固吾圉

左傳聊固吾圉

羅隱詩聖君宵旰望時雍  
國邊想惟理民整軍之課最於諸城安有謀王斷國之

才久於邊疊

薛宣傳經書文雅足以謀王體斷國論

上所願見公其端歸

某浮游江湖荏苒歲月積叨半刺之祿就分左右之符

雖僅免羣鬼之揶揄

世說襄陽羅友好學嗜酒桓宣武雖以才遇之許而不用人有得郡

桓為席送別友亦被命至猶遲晚溫問之曰旦出門逢一鬼揶揄云我只見汝送人作郡何以不見人送汝作

郡遂慚怖却回不覺淹緩桓心愧焉後以為襄陽太守南史宋伯龍歷位九卿郡守貧窶尤甚嘗在家慨然將

營什一之利一鬼在旁拊掌大笑伯龍歎曰貧窮固有命乃復為鬼所笑杜詩時遭人指點數被鬼揶揄羅家

啓長沙地窄難呈宛轉之姿還自笑是翁之矍鑠幸接  
南郡鬼逢每受椰榆之恥

名藩之吟

吟井田間  
詩徂隰徂吟

能分旁舍之輝有土有邦莫非

為社稷之衛

尚有土邦有書有

同心同德庶幾如兄弟之親

### 回漢陽孫守

簞簞俗吏奚堪一障之乘壁水儒官豈是三河之表

史記

貨殖傳唐人都河東殷人都河內  
周人都河南三河在天下之中

方密依於鄰比乃先

辱於謙函恭惟某官學濟其才文貫乎道

李漢韓文序  
文者貫道之

施不涉於斯道  
有至焉者否也

在商野共推於先覺屬漢庭專用之老

成樂育英才需作及時之雨不畏強禦挽回既倒之瀾  
甫再轉以為丞乃一麾而出守於進退之義不苟則中  
外之望益高雖國小地狹不足以回旋而事簡民淳何  
妨於偃息

詩或偃息在床或不已於行

佇聞徵召入備論思某倦欲

歸田強令護塞幸輔車之相倚

左傳訪所謂輔車相依唇亡齒寒者

曾竿

牘之未修恍然驚黼黻之投歎甚乏瓊琚之報

詩投我以木桃

報之以瓊琚

極目漢川之樹徒切興懷

崔顥詩晴川歷歷漢陽樹

洗耳荆

岑之泉尚希垂教

荆門當陽縣有玉泉

通襄陽揚安撫

由半刺得專城實為誤渥以小侯事大帥密借餘輝

韓文

大府帥先入據館帥守屏若將趨入方視印之云初豈

拜庭之為者度若小侯之事大國

奏箋之敢後恭惟某官才豐而業茂度廣而識高承世

閎之清風飛翔千里負霄躔之俊氣凌跨一時利器所

施成規可睹恩深淮浦有襦均惠於兩邦

詩率彼淮浦

威震

湘川持斧頓清於羣寇

湘川在今長沙環城而下說文湘水出零陵陽海山至巴丘入

江屬邊方之謀帥勤當宁之思賢未容還表著之榮又

復任藩宣之重秘圖寓直瑞節增華想胸中皆有利用之

兵

崔浩傳太武指浩示高車帥曰汝曹視此人纖尾懦弱手不能彎弓持矛胸中所懷乃過於甲兵宋名臣

言行錄西夏賊曰小范老子胸中有數萬甲兵不比大范老子可欺也宜塞上無可窺之

隙輕裘緩帶依然峴首之風流曳履鳴珂行矣甘泉之

法從某佐藩已謬乘障維艱昔雖同君子之鄉未降既

見今乃近元戎之府自謂不孤矧荆襄襟帶之連若虞

號輔車之倚有善隣之寶也所願相親念敝邑而膏之

敢忘厚賜深忞所嚮短韻奚宣

通京西趙運使

雲壘相依謬分邊瑣星臺在望密藉隣輝屬龜篆之初

開憑雁緘之上達恭惟某官卓然才業少所輩倫妙文

武之張弛不顯紙上

禮記弛而不張文武不能也唐史沈重講學不弛文武不能也

授業徐曠從之不數日辭去曰先生所說紙上語耳若真境彼有所未見者

運胸中明古今治亂之淵源不專紙上余日華啓味道腴於紙上胸吐石渠觀天巧於筆端手抉雲漢王臈軒

啓家傳殘畧不求紙上之條吳神授智謀自有胸中洞之方虎洪适啓經綸自得於胸中糟粕不膠於紙上

古今之成敗獨運胸中一枝分月殿之香

晉書郗詵傳詵舉賢良對



策上第遷雍州刺史武帝於東堂會送問詵曰卿自以  
為何如詵對曰臣舉賢良對策為天下第一猶桂林之

一枝崑山之片玉白樂天詩折桂  
一枝先許我穿楊三葉盡驚人  
千里奮雲衢之步幕

中飛翰湖山至於動搖

唐王重榮鎮河中辟李巨川為掌書記巨川文思敏速翰動如

飛傳之隣藩無不竦動

塞上剖符敵騎為之遯去旒冕注懷久矣

縉紳交口稱之以其抗不可犯之風故能任至難為之

事由雙旌拜十行之寵以三組總一路之權

楊僕傳懷銀黃垂三

組以誇鄉里

貫索夜虛流泉春湧凡此績用特其緒餘問俗

觀風豈有澄清之畧謀王斷國盍歸嚴近之班某學殖

扶疎宦塗歷落縣課僅能自脫州政乃得平分初微尺

寸之可書忽駭朱丹之在轂

楊雄傳紆青拖紫朱丹其轂

匪由推送

曷致叨逾念慈恩塔之姓名幸嘗附尾而皇華堂之風  
采彌切心傾豈期護塞之行寢覺望塵之近雖云未見  
自以不孤一障是乘在今日非昔時之全盛二天所覆  
諒此疆與爾界以均恩

謝諸司列薦

風動列城莫重連臺之鶚薦雲從多士乃收別駕之駕

才外觀咸以為榮內省獨能無愧凡君子以類而進者諸大夫曰賢而用之公論所同倖得則否博士共薦王

式宜為誦說之師

王式傳唐生褚生應博士弟子選諸博士振衣登堂頌禮甚嚴試誦說有

法疑者丘蓋不言諸生驚問何師對曰事要人交譽宗式皆素聞其賢共薦式詔下除為博士

元自是辭章之伯

韓愈柳宗元墓誌諸公要人爭欲令出我門下交口薦譽之蓋寶

貨橫道莫不爭取然斷木在溝誰其見知豈謂世俗競

名之餘猶存古者僉謀之舉

尚書詢謀僉同

儻非穎異徒切兢

危如某者所學不根於時何補轉頭已晚未免碌碌隨

衆人之行炙背成暄尚有區區獻至尊之意

列子宋有田父曝日

於野美之不知廣厦錦綺之麗謂其妻曰負日之暄人莫知之以獻吾君將得重賞嵇叔夜絕交書野人有快炙背而美芹子者欲獻之至竭來湖外冒處州端頗嘗尊雖有區區之意亦已疎矣

效尺寸之勞豈但為升斗之計二千石併歸於華使許贊末謀五萬緡用實於邊倉助成廣惠稍知縣譜郡條之大畧敢云儒藝吏術之兼優有誤司聰過塵褒字雖左符之命既下而公車之奏已前若青冥現吹噓之神

韓詩青冥送吹噓

使白晝散椰榆之鬼頓增光耀曾有黃緣茲

蓋伏遇某官與天地同其心以人物任諸已謂九重耳目之寄遠屬星軺念一路禍福所關公持藻鑒凡奉令承教於趨走之域已察言觀行於臨按之時同氣相求

合詞來上借鼎象三立足之勢

蒯通傳三分天下鼎足而立文選三分鼎足之

勢說文鼎三足兩耳和五味之羹

施釣鼇一舉手之勞

列子伯龍之國有大人一釣而

連六鼇韓文蓋一舉手一投足之勞也

顧惟何人亦預茲選某謹當自繩

以法益樹厥功食武昌之魚而非甘有懷正味

吳志孫皓以建

業宮不利謀徙武昌陸凱上疏曰武昌土地瘠确且童謡云寧飲建業水不食武昌魚寧還建業死不止武昌

居是明天意  
知民所苦矣

濯蒙山之泉以自潔不易初生

見上卷

用此

酬恩斷非虛語

### 遠迎趙運使

易乘驛傳兼剖菟符險要之地唯荆襄併資控禦淺陋  
之邦如曹鄴復托按臨阻與前驅敢忘先贄恭惟某官  
羣紳之望萬乘所知太微星間蓋儲祥之已久祝融峯

下欲養晦以誠難

長沙志衡山七十二峯最大者五芙蓉紫蓋石廩天柱祝融而祝融為最

高韓詩衡岳千仞起祝融一峯高詩遵養時晦

賢者受任於天蒼生思被其澤

且往者屈也來者伸也道實將行

易繫辭往者屈也來者伸也屈伸相感而

利生焉

苟剛則吐之柔則茹之政奚以立獨稟清明如神

之氣能揚耿介拔俗之風肅然外臺強此中國三組堂據上流之勝久著最聲一覽亭俯衆山之卑彌增壯觀

襟帶有相聯之勢轉輸皆已試之規仍建崇牙來宣江

漢

詩江漢之濟王命召虎來旬來宣

更陞華秩寓直蓬萊在一人之眷

甚隆恐四輩之召非遠

唐太宗召馬周未至遣使者四輩敦趣

所言利國

宜管仲之不足為以道相君惟孔子則所願學某素無

肖似疊有際逢龍坂同登嘗忝英遊之舊

大選臨其闕如升闕里

之堂入其奧隅謂登龍門之坂王勃啓鵬鷺既接仰雲遙而將趨龍坂可登指星臺而有望

雁門遠

戍載依使節之光

蘇恭傳南有碣石雁門之饒注雁門山在燕代西

聽易地之

榮除動屬城之驩舞有若小侯事大府惟謹奉承不以公法廢私恩尚期全護誠悰所萃拙訥難宣

賀京西柴運使

宋京西轉運司治在襄陽府

奏最雄藩升華邊部馳六轡於秦京之道風采凜然把一麾於楚甸之門波潤多矣賀成官而未果賢從事之



先臨東坡集溫詞曲盡恭惟某官學飽祿渠

天祿石渠二閣皆蕭

何所造藏入閣所得秦人圖籍至成帝又於此藏秘書焉詳見第三卷

氣橫穹碑爾雅穹蒼蒼天

郭璞曰天形穹隆然司馬相如封禪書自額穹生民注額穹皆謂天也莊子旁礴萬物

謂吾君可

與為善際遇誠難凡他人所不敢言攄陳益壯其立朝

何九虎之足畏其去國雖萬牛而莫回

危異齋啓方萬牛挽而首不回

孰明其智乃六龍去而山為動始識其忠

不鄙薄淮陽之民要增廣茹陂之

澤

晉志建安中魏武以劉馥為揚州刺史廣屯田脩芍陂茹陂七門吳塘諸竭以溉稻田公私有積

茂

庸桀著寵數亟頒因其恢恢之材畀以皇皇之節聲名

出叔子之上經理得諸葛之遺豈惟獄訟財賦之繁率

歸兼總乃若訐謨方略之妙合與前籌

杜詩暮齒借前籌

某猥

自佐州強令守塞懵未知終焉之計

杜詩吾道終焉

幸甚接

隣哉之封且餽有雙魚之廛何珍可報念城無十雉之

固唯芘是依

公羊傳注天子之城千雉高七雉公侯百雉高五雉子男五雉高三雉又立板而堵

五堵而雉百雉而城禽經雉上無丈鷄上有尺上言飛而上也雉上能丈故計丈曰雉

賀史丞相進書加恩

自注係進吏部條法總類并百司吏職補授法轉金紫光

祿大夫進封魯國公按宋史嘉定六年春三月有司上嘉定總脩吏部條法總類時史彌遠為右丞

相

王陞奏書金章進秩整齊吏治率循蕭相之規

曹參傳參代何

為相國舉事無所變更壹遵何之約束

侈大國封式顯魯公之拜

公羊傳封魯公

以為周公也周公拜乎前魯公拜乎後生以養周公死以為周公主

告庭異數賀野同詞

恭惟某官學洞聖幾道躋民極再世而登輔弼偉勲閎

之相輝

彌遠父浩本宗朝宰相

百辟之仰宗師正朝綱而不紊社

稷賴以安固乾坤為之清夷方循名責實之政行

歐文當循

名責實之時故任怨特多於前輩

宜撮要剪繁之事舉念銓綜權衡之

地名器所關

唐呂大一案吏部移牒春彼吏部銓綜之司六典優者擢而升之否則量以退焉所

以正權衡明予奪抑貪冒進賢能也又宋璟為吏部尚書銓綜有叙

凡刀筆筐篋之流勞

能必叙

賈誼傳俗吏之所務在於刀筆筐篋而不

昔者

紛綸而盈几

井丹傳五經紛綸井大春張嘉貞傳功狀盈几

今焉纂輯以成編

帝深歎嘉公實典領流渥衍戶租之邑

蕭何傳食開圻邑八千戶

重儒服之邦

莊子君子有其道者未必為其服也為其服者未必知其道也何不號於國中曰無

此道而為此服者其罪死於以答秉成之功以昭垂後

之憲

尚書以垂憲乃後

且畫一法與天下而共莫匪至公雖正

二品居朝廷之尊未為特美

宋制正二品光祿大夫

故家有者不

日見之某冒處騎頭阻瞻鵠尾遐衝可折皆由制勝於廟堂邊最茂聞只合放歸於田里尚茲冗食悉自隆恩

賀雷知院進書轉官

宋史寧宗嘉定元年以雷孝友知樞密院事兼參知政事

奏篇中禁

杜詩詔許辭中禁韋述詩脩文中禁起

進秩邇聯粉澤成一王

之典章宜膺褒顯權衡定百王之法式允大參持吏品

以清朝僉斯穆恭惟某官奧學上下乎千載懿文佐佑

乎六經式契聖明進都丞弼

東方朔傳都卿相之位注都居也

當洗兵

交河之後道以庇民

六韜文王問散宜生卜伐紂吉乎曰不吉將行之日雨輜車太公進

曰是非子所知也祖行之日雨輜重車是洗濯甲兵也  
曹唐詩滄海寒波絕洗兵野客叢談吳曾漫錄曰杜詩  
有洗兵馬末云安得壯士挽天河淨洗甲兵長不用說  
苑武王伐紂風霽而乘以大雨散宜生諫曰此非妖與  
王曰非也天洗兵也僕觀梁簡文詩洗兵逢驟雨送陣  
出黃雲裴行儉碑云洗兵諾真之水刷馬草心之山皆  
有洗兵之語所謂挽天河語子美  
之前罕聞張說詩貫索挽河流

在執政畏岩之中心

予體國更張善化綜核羣材雖云列爵之有差每念繁

文之無統非通儒為之折衷

韻會衷涉仲切折衷平也  
史記折衷於夫子折斷也

衷當也貢禹傳微夫則巧吏得以並緣

薛宣傳酷吏  
並緣為奸筆

削既公

禮樂志筆削則削

綱目自正典選者持此以鏡鑒試

補者用此以甄升成編甫徹於前旒寵數亟加於次輔

房謀杜斷共裁定於信書

杜如晦傳天下新定臺閣制度憲章文典率二人計裁每

議事帝所玄齡必曰非如晦莫籌之及如晦至卒用玄齡策蓋如晦長於斷而玄齡善謀兩人深相知故能同

心濟謀以左右帝

蕭規曹隨佇增光於揆席

揚雄傳夫蕭規曹隨注言蕭何始作

規模曹參因而從之

某逖聞命縉喜動心旌在天一方曾莫與清

朝之賀

文選良友遠別離各在天一方杜詩我行有地山川異忽在天一方賈至詩各在天一方

千里其敢孤大造之恩

左傳秦師克還無害則是我大有造於秦也

賀章同知除參政

宋史嘉定二年以章良能同知樞密院事進書後除參政

擢自中樞

司馬光行文彦博制仍冠中樞

列於次輔由建隆開東西府

實處儒英

五代會要後梁革唐氏宦官之弊開平中命敬翔為使始更用士人續會要樞密院與中

書對待文武二柄號為二府建隆元年以魏仁溥吳延祚為樞密使趙普為副使參政為東府樞密院為西府

逮元豐置左右丞預聞政本

續會要元豐改官制議者欲廢樞密歸兵部神宗曰

祖宗不以兵柄歸有司故專命官統之互相維制不從然以樞密聯職輔弼非出使之名乃定置知院同知院

二成憲具有德乃升恭惟某官社稷所依文武之特

韓詩英英桂林伯實惟文武特為明主建長治之策識妙神著在清時



成更化之功音諧廟瑟根於所學之純正位乎本朝而  
安強一堂坐運於甲兵四塞稀鳴於桴鼓凡茲制勝之  
道屬我基宥之臣入捧絲綸贊調鼎鼎五戎八蠻雖已

賓服

韓文五戎八蠻之在荒服之外者皆已賓貢天變時變昆蟲草木之妖皆已消息

五風十

雨縱極順成

易飛候太平之世五日一風十日一雨此休徵時若之應

想坐退思艱

之時猶軫若納溝之慮使草木無不遂性則日月可與

爭光持此茂勲永居端揆某托身造化傾耳拜除瞻望

清明無復到鈞天之所

列子穆王及化人之居以為清都紫微鈞天廣樂帝之所居詳

見奉行寬大其敢負玉州之民

荆門軍隋開皇唐武德中皆名玉州激此

懦衷寫之柔牘

### 賀鄭大諫

顯膺詔旨擢首言司由御史五月而遷信非常典凡侍

臣三日必諫況是專官

杜牧行廬吉左拾遺制太宗三日不諫必責侍臣

聿登

正直之賢具孚中外之望恭惟某官氣凌山嶽節貫冰

霜蓋魯君子非器之可名宜漢人主必冠而後見

汲黯傳

相弘宴見上或時不冠至如見黯不冠不見也上嘗坐武帳黯前奏事上不冠望見黯避帷中使人可其奏其

見敬禮如此

巍然正色革彼邪心豸角分輝如橫榻步趨之

相繼龍顏開霽喜伏蒲風采之猶存直進長於七人用

肅清乎百辟與天子辯是非宰輔爭得失人所至難使

朝廷關輕重社稷係安危公其可舍佇聞刻贊前對闕

字除某謬綰魚符

唐車服志高祖頒銀菟符後改銅魚符以起軍旅詳見第三卷阻瞻

烏戟

舊唐書柳仲郢自拜諫議後每遷官烏必大集于昇平里庭樹戟架皆滿五日乃散詔下不復集家

人以

為候諒耳目到重湖之外罔不照知念門戶在一障之

間唯當固守

荆門亦曰荆戶

賀金正言

楓宸渙號蒲省晉班由真御史為真諫官既極選除之

妙

蕭鈞傳永徽中為諫議大夫爭盜庫財死罪曰囚罪誠死恐天下聞謂陛下重貨輕法任喜怒殺人帝曰

真諫議也

李景伯傳景龍中為諫議大夫中宗宴侍臣酒酣各命為迴波詞或以諂言媚上或邀巧謬寵至景

伯獨為箴規語以諷中書令蕭至忠曰真諫官也

欲正君心以正天下益攄獻

納之忠國是有歸朝僉斯穆恭惟某官抱負所學震耀

於時挺孤秀以不移擷衆芳而自飾早登翹閣結韋平

父子之知晚立要津展堯舜君民之術不易居者風霜

之任

通典御史臺後周曰司憲屬秋官府隋及唐曰御史臺門北闕取陰殺也御史為風霜之任彈糾不

法百僚震恐官之雄俊莫之比焉

所難犯者雷霆之威

唐薛歸登傳裴延齡得幸德宗

欲以為相補闕熊執易疏論之疏成示寮友見謂敢言薛歸登慘然曰願寄名雷霆之下君難獨當

何妨易命廷議而瑩冰玉將坐寢於邪謀帝用以補山

龍實有開於偉業某高官莫侶小牘是脩聞諸在野之

言

左傳聞諸道路不知信否

敬致得人之賀

東都事畧江公望除左司諫諫爭有體朝野稱

為得人

想正色立軒墀之上無遠弗知雖孤身墮障塞之

間有恃何恐

左傳何恃而不恐韓文若防之止水恃以無恐

賀石殿院

輟從諫列擢置臺端

通典唐侍御史號臺端人稱之曰端公詳見前

六牙相輝

久著峨峨之望

宋天禧元年始置言事御史六員

一鵬初擊載揚肅肅

之威國本以強朝僉斯穆恭惟某官耀名於世儲寶自

天跨海湄於一息之間壯圖遠矣

說文水草交為湄釋名湄眉也詩居河之

康與眉同李白大鵬賦六月一息至于海涸欲翳景以橫翻送高天而下垂

貫歲寒於千仞

之表正色依然簡在清衷峻登言路欲近而朝廷遠而

諸夏皆出於至正惟進其君子退其小人所關為不輕

是宜超錦繡之班

元稹詩榮班聯錦  
繡諫紙賜賤滕

又復總風霜之任

將整齊憲綱之既畢

傳咸中丞箴  
執憲之綱

則運轉魁柄以何難

羣頸胥延上志已定某在官有守進賀莫參雖一障未

保於頭顱尚能自力顧千里不逃於目睫或照此心

列子

察其目睫之間而得其情史記  
如目之見毫毛而不見睫也

### 賀倪察院

簡求惟舊

尚書人  
惟求舊

察視方新

後漢鄭據字茂卿建武三  
年為侍御史上疏曰斗筭

小吏擢在察視之  
官分當刺邪矯枉

晨入學以誨諸生曾未容於涉筆夜

加階而名御史即已聽於出綸

唐韓思彥為監察御史昌言當世得失高宗夜

召加階二級待詔弘文館

天憲所關

五代會要御史臺事總臺綱職司天憲

人望斯稱

恭惟某官身該百行

文選百行兼包

名揭兩科由教育撫字之

功多故薦揚拔擢之事異上意先定謂宜居易列以糾

邪我道未夷顧乃望虎關而引去

韓詩出門各有道我道方未夷且於此中

息天命不吾欺離騷虎豹九關兮

適當日月之清照慨想風霜之嚴凝

詔自侯藩升於胄監

宋制升于太學又典胄之選

人自畏稜稜之白

簡

元希聲詩稜稜稱旨烈烈方書

公何心戀戀於青氈忽拜真除大孚



衆聽凡宰相之柄用由言路以梯升宏業有開寵光曷  
既某叨紆郡紱阻綴賓裾昔歎淒涼在朝微扳聯之勢  
今承輝耀居邊免驚机之憂傳咸歲爰立執  
法其輝有煥舞手載欣  
濡毫匪喻

回陸僉判

天下聞放翁之賢宜其有後

宋陸游字務觀號放翁仕  
至秘監初調官臨安有詩

云小樓一夜聽春雨深巷明朝賣杏  
花傳入禁中恩陵稱賞由是知名

湖外稱道院之勝

偶此同寅來賓初筵容我坐嘯恭惟某官華猷世濟

韻天成在茂林脩竹之鄉衣冠推重為綠衣紅蓮之客

樽俎有光屬當蹂躪之餘

蹂忍九切韻會往來蹂踐之也躪音蘭躪也王商傳百姓

奔走相蹂躪司馬相如傳徒車之蘭轆騎之所蹂若

正資羽翼之助公肯入諸侯

之幕深識雅懷上方錄從臣之家難留雋武某一麾護

塞千里遡風攬訊牘之粲然聆足音而喜甚李將軍文

書極簡與共事以何嫌

李廣傳幕府省文書注省少也又李將軍文書極簡陸先

生論撰為多尚異聞之可扣

賀應正言

賜札中宸伏蒲右省保氏諫諍兼師氏之講說天日為

開

周禮保氏掌諫王惡師氏掌以嫺詔王

正人信任去邪人之蔽欺朝家

增重上所特拜誰不歡顏恭惟某官晉大夫之奇才

左傳

晉卿不如楚其大夫則賢皆卿才也國語晉公子賢明左右皆卿才魯諸儒之與學雲路

四達千里可以追風朝陽一鳴萬物為之吐氣擢自馨

香之署聯於錦繡之班且士而當得言之秋故君者立

無過之地

家語天生時地生財人其父生而師教之譬四者君以政用之所以立於無過之地

猶木從繩而則正抑使雪見覲而曰消

詩雨雪漙漙見覲曰消

所

係不輕是除何歎進陽城於延英閣上疏極慷慨之懷

陽城傳裴延齡誣逐陸贄等帝怒甚無敢言城乃約拾遺王仲舒等守延英閣上疏極論延齡罪慷慨引義伸

直贄訪處厚於太液亭演經廣規諷之道韋處厚傳處厚字德載舉

賢良方正與路隋為侍講穆宗召入太液亭命講開命

睢洪範訪以治體處厚等演經義以廣規諷之道馬疊組義則同符幸際會於斯辰計登庸之不暮某邊

麾有守前祀莫賓作耳目於虞廷信能燭遠當戶門於

楚塞尚賴包荒景仰惟勤名言曷既



橘山四六卷十八

# 欽定四庫全書

集部

橘山四六卷  
二十九

詳校官庶吉士臣翁樹培

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣繆汝和

欽定四庫全書

橘山四六卷十九

宋 李廷忠 撰

明 孫雲翼 注

賀王總領陞太府少卿

宸庭渙寵司府晉班

初學記大府卿周官也唐光宅初改為司府卿

六路總於

一臺坐致戎儲之裕九卿亞於三事彌增使箚之榮

左雄

傳九卿位亞三事班在大臣

賀聲流傳懦志頓起恭惟某官凝然重

鎮朗若清裁以藝文冠冕於諸儒有條教準繩於百吏

且相如揚雄擅名於蜀茂聞勲業之焜煌

漢書地理志巴蜀廣漢本

南夷及司馬相如游宦京師諸侯以文詞顯於世鄉黨慕循其迹後有王褒嚴遵揚雄之徒文章冠天下彼

管仲晏子當路於齊徒見智謀之蹇淺孰若岷峨之秀

來宜漢沔之威勿云傾天下之貨以給不用之軍事須

有脩當知流地上之錢以權常平之物算實無遺自易

券之令既新

玉海初蜀民以鐵錢重私為券謂之交子以便貿易至大中祥符末薛田為轉運使請

官置交子務以權其出入詔從之置益州交子務

而救時之功滋茂一階未足

以示勸六命又從而加褒

周禮王之卿六命

內而聯月掌之華



外以護雲屯之衆國勢自關於輕重公心何間於險夷

然樞極之本萬兵及冢司之治九賦

周禮太府掌九貢九賦九功之貳以

受其貨賄之入頒其貨於受藏之府頒其賄于受用之府

如斯大任蓋所優為僉論歸

之中召至矣某叨乘荒障結戀崇牆蓋嘗蒙察識於趨

承之間遂令效摩拊於殘創之後邊民未忍推去舊觀

庶幾復還

庚翼與王羲之書吾有伯英章草十紙過江亡失嘗歎妙迹永絕忽見足下答家兄書煥

若神明頓還舊觀

茲聞拜除預有光輝玉墀春近須知到枯瘁

之根天宇秋高尚喜托澄清之芘其為誠嚮罔究言宣

賀京西柴安撫

宋京西路襄陽等九軍州安撫司治在襄陽府

出紆疏恩建麾作牧

文選受瑞析珪建麾作牧

整皇華六轡之馭績

用有成擁元戎十乘之車部封如故隣光所照邊瑣不

驚恭惟某官特立之儒間生於世斯道拔俗雖泰山不

足以為高以才濟時如大海莫知其所止涉筆清嚴之

署剖符險要之區居邊方何異於立朝有郡最允宜於

刺部

漢百官表位居牧伯分刺諸州

公之素蘊帝所深知總獄訟財賦

之司多多益辦

宋制安撫掌兵民之政帥其屬而聽其獄訟頒其禁令定其賞罰稽其錢穀甲

械出納之名籍任禮樂詩書之帥綽綽有餘華之以延閣之名

重之以連城之寄

吾丘壽王傳連十餘城之守任四千石之重

且召公開國

分西陲而有稱使孔子相王為東周而亦可某阻陪前

武喜聽先唐紀登臨峴首之碑名流相繼

羊祜事已見杜預傳預好

為後世名刻石為二碑紀其勲績一沉萬山之下一立峴山之上李詩訪古登高峴又峴山臨漢水水綠沙如

雪上有墮淚碑青苔久磨滅

詠控帶荆門之句大芘焉依

韓文控帶荆門遠飄

零漢水長其為忻翹罔罄敷叙

賀宋提刑除兵部郎中

祥刑奏最

尚書有邦有土告爾祥刑

溫詔趨歸海內蒼生方共仰即

官之宿

漢明帝紀郎官上應列星

河東故吏難獨私刺史之天

東坡詩一

見刺史

天敢誦所聞更持此賀恭惟某官卓然儒行清矣儂

材

杜詩神儂才有數

自先儒擅四蜀之名實生魁彥雖本朝推

二宋之懿難儷慶門

宋庠字公序宋祁字子京同舉進士禮部奏祁第一庠第三章獻太

后不欲以弟先兄乃擢庠第一而置祁第十人呼曰二宋以小大別之宋史贊曰咸平天聖間父子兄弟以功

名著聞於時者于陳堯叟宋庠見之庠明練故實文藻雖不逮祁孤風雅操過祁遠矣

來登振鷺

之庭孰識冥鴻之志寤以片言而不合

車千秋傳以一言寤意房綰傳

贊綰以忠義自奮片言寤主

祿之萬鍾而莫回袖月賜之筆以去朝

端衣畫行之錦而游鄉國從容易節慷慨登車江波亦

至於澄清塞草皆為之豐美名已喧於紫闕

楚詞紫貝闕今珠宮

夢猶遶於青城

河圖括地象青城三十六峯在青城縣北三十二里有八大洞應八節七十二

小洞應七十二候為第五大洞天青城山記此山為五岳之長故名丈人杜詩自為青城客不唾青城地為愛大人山丹梯近幽意錢起詩蜀西南山千萬重仙經最說青城峯

袂挹浮丘恐難從於

雅興

楚元王傳少時嘗與魯穆生申公俱受詩於浮丘伯伯者孫卿門人也郭璞遊仙詩左揖浮丘袂

席前宣室宜入對於清光

賈誼傳上方受釐宣室因感鬼神事而問鬼神之本誼具

道所以然之故至夜半文帝前  
席晁錯傳莫能望陛下清光  
況從元士之游常袞制

之元士天下之事多所  
關決其於損益大矣  
實號大臣之次通典尚書郎選

之上不輕畀嗣有顯除某素屬知音倍增喜色撫摩政

拙既容棲一木之陰吹送恩深尚願附九霄之翼其為

誠嚮曷究名言

賀尤提舉除都官郎中

刑部有都官郎中魏官本  
因漢置司隸校尉其屬官

有都官從事二人掌中都中郎官不法事因以名  
官宋制掌案四軍大將案吏籍案配籍案雜事

帝命疇庸郎才應選

唐源乾曜執法乾乾曜子潔為李林甫求司門郎中乾曜素薄之曰郎

中應得才望哥奴豈郎中才耶唐會要會昌五年勅脩六官分事四方取則尚書郎皆是妙選須稱職司

平準之書以佐國用嘉奏有聞持太史之筆以登朝行

先猷可繼戀軒甚切賀厦敢稽恭惟某官學統聖真氣

鍾神秀臧孫諫而有後況逢昭德之君

左傳桓公二年取部大鼎於宋

臧哀伯諫曰君人者將昭德塞違以臨照百官猶懼或失之況將昭違亂之賂罷於太廟其若之何周內史聞之曰臧孫達其有後於魯陳咸進而最先見謂名卿之

子

陳咸傳咸三公子少顯名於朝廷而薛宣朱博翟方進孔光等仕宦絕在咸後皆以廉儉先至公卿而咸

滯於傳一家文章之印著萬里功名之鞭凡所踐馭藉

甚譽處雙旌所憩嘯吟開衡岳之雲

東坡韓文公廟碑公之精誠能開衡

山之雲而不能回憲宗之惑韓集謁衡岳詩噴雲泄霧藏半腹雖有絕頂誰能窮我來正值秋雨節陰氣晦昧無清風潛心默禱若有應豈非正直能感通須臾淨掃衆峯出仰見突兀撐青空揚萬里啓人仰傳巖之雨天

開衡岳之雲

六轡載馳精采照荆江之水聊煩問俗趣使登

仙為能豐京庾之外儲是用頒秋臺之中詔

宋制宜進秋臺之聯

有華自遠來媚於京豈惟馨香增粉署之妍又將光輝

復紫機之舊某左符有守前祀莫賓久依蘇刺史之天

未酬知遇肯為李將軍之地尚賴全存

史記獨不為李將軍地乎李梅



亭啟不謂蘇  
天尚為李地  
舞手載忻濡毫罔喻

夔路通判到任謝廟堂

竊麾荆戶邊奏幾聞引漕夔門寵靈狎至蓋特達廟堂  
之意非夤緣媒介之言衆為驚嗟已知僥倖在漢八使  
選從朝行入蜀二人上應乾象故能奉宣臨軒之戒令  
足以聳動列城之觀瞻未聞以一孤士誤當路之知由

一小壘專外臺之計如某者筑筑無助

筑亦作憊憊喬知之詩憊憊孤形

影碌碌自持

碌亦作碌馮衍傳碌碌如玉周萬云惟阿奴碌碌當在阿母前平原君列傳作錄錄

蕭曹贊作鹿鹿言在凡鹿中馬援傳更共陸陸注猶碌碌也平原君傳注錄錄謂隨從也音義並同方秋崖啓鹿鹿無奇魚魚自守又徒抱區區見謂碌碌互見第八卷

苦骨勞筋甘逐食江湖之上

蒼顏白髮歎還丹日月之遲

杜詩祖褐風霜入還丹日月遲

公道一伸

賢方四闢自蹤迹甫離於銅墨而姓名已挂於釣衡處以屏篁初非遐棄畀之符竹竟得超除雖僅聞一考之書亦畢効五窮之技收還舊觀撫集新牘忽明綸飛下於天霄以英蕩按行於山國靖循非據莫識所從矧部封控三峽之雄

鄜道元水經注巴東三峽謂廣溪峽巫峽西陵峽也三峽七百里中兩岸連山

畧無闕處重巖疊嶂隱蔽天日非亭午夜分不見日月  
杜宇所鑿以通江水宜都山川記自黃牛灘東入西陵  
界至峽口一百許里山水紆曲林木高茂猿鳴至清山  
谷傳響泠泠不絕行者聞之莫不懷土故漁者歌曰巴  
東三峽巫峽長猿鳴三聲淚霑裳巴東三峽猿鳴悲猿  
鳴三聲淚霑衣一說三峽謂明月峽巴峽巫峽李詩暮  
雨向三峽杜詩忠州三峽外又三峽星河影動搖又白  
帝重為三峽鎮又三峽樓臺掩日月又一說明月峽巫  
山峽廣澤峽而計司居四路之劇四路謂益梓利夔吏選得以  
出蜀都賦注

銓綜

轉運歲察所部廉能而保任之若罷軟或冒法則隨其職事劾奏

民隱在乎諮諏

宋至道中詔曰天下物宜民間利病惟轉  
運使得以周知更互赴闕廷見詢問焉  
豈伊冗瑣之

流冒此光華之選茲蓋伏遇某官姬勲垂世尹德在躬

尚書惟尹躬暨湯咸有一德

植翹材館不朽之規秉中書堂無私之

筆飛鴻振鷺盡成梁國之網羅苦李粗桃曲借西山之

畦逕

唐詩桃蹊李徑盡荒涼杜詩桃蹊李徑年雖故

不以位卑而勢邈取其齒

老而智專

韓非子齊桓公伐孤竹還迷失道管仲曰老馬之智可用放馬隨之遂得道韓文聖賢之

能多農馬之智專

往觀民風毋辱君命某誓當刻勵勉効馳驅

蛇雀之銜珠環竊少報恩之具

搜神記隋侯出行見大蛇中斷疑其靈使人以

藥封之蛇乃能去其後蛇銜珠以報之詳見前駱賓王啓陰山之雀敢懷殫盡之心漢東之蛇期致投珠之報

庚信啓蓬萊謝恩之雀白璧四環漢水報德之蛇明珠一寸

馬牛之運芻粟尚恢經

武之圖

通交代鮮于安撫

計臺虛席久煩連帥之攝承守障空餐忽玷皇華之遣

送既託名於交事復取庇於同寅何一妄庸

漢魏勃救齊王反漢

既誅呂氏罷齊王兵灌嬰使使召責問勃勃曰失火之家豈暇先言大人而後救火乎因退立股戰而恐嬰熟視笑曰人謂魏勃勇妄庸人耳有二榮幸恭惟某官蜀都紫氣魏闕丹

心衣天孫織錦之裳飄然游覽袖庖丁發矟之刃妙矣  
刺裁堂中坐嘯以分憂幕下運機而靖難轉入玉旒之

聽疊膺金節之除凡云刑獄芻糧率歸廉問兼有詩書

斧鉞式副簡求作巨鎮於夔子之門

左傳僖公二十六年楚滅夔以夔子

歸注夔楚同姓國今建平秭歸縣亦名巴子國杜詩瘴除夔子國又夔子之國杜陵翁王延禧詩夔子城新築

長江更作濠百蠻歸指掌三峽見秋毫

寓鴻名於老氏之室自崇牙大纛

之借重

黃帝內傳玄女為帝制玄纛十二以主兵二儀實錄纛皂繒為之似蚩尤之首軍發祭纛覺

赤甲白鹽之增高

赤甲山在夔州不生樹木土石皆赤如人袒背故曰赤甲白鹽山亦在夔

州崖壁高峻色若白鹽荆州記峽之首北岸曰白鹽峯中黃龍灘沿所忌水經注白帝山北接緣馬嶺南接

赤甲山杜詩奔峭背赤甲斷崖當白鹽又白鹽危嶠北赤甲古城東又赤甲白鹽俱刺天併施漕引

之能益致戎儲之裕虎避吾境

劉昆傳昆為弘農太守先是崤黽驛道多虎災

行旅不通昆為政三年仁化大行虎皆負子渡河宋均傳均為九江太守郡多虎患常募設檻穽均曰谷在殘

吏其務退奸貪進忠良一去檻穽虎相與東游渡江羅隱傳虎知應去境馬躍於槽韓文士飽而歌

馬騰於槽鄭雪巖啓馬踴躍槽鴻歸得所舍人端合治裝曹參傳告舍人趣治裝吾且入相

天子行將有詔

韓文無疾其驅天子有詔

某初微邊最誤沐上恩俾

乘傳以奚堪知維藩之足恃

詩介人維藩

眷情特厚慶問先

臨邛三峽水之詞源漸聆逸韻

杜詩詞源倒流三峽水

通五大原

之餉道尚踵成規悅慕所叢名言匪喻

交印謝鮮于安撫

一介行李訪流馬之遺蹤十乘元戎忝交龜之雅契即

親誨矩疊拜書函恭惟某官文武兼才

漢朱穆傳兼資文武海內奇士

唐裴行儉為安撫大使使滿至京師將吏為刻石紀功帝勞曰行儉提孤軍深入萬里兵不血刃叛黨擒夷可謂文武兼備矣古今達學遠撫長駕凌千里以無前勁節高標

貫四時而獨秀筭篁奏最襦袴興謠兩川瞻使節之榮

三峽倚帥垣之重政刑清暇威信著明出藩即入從之

階朝奏有暮召之寵某謬將皇指已次部封拂紅篆於



剛辰有慚末至對綠樽於清夜無惜細論報命弗虔傾  
心徒切

回本路程提刑

誤恩將漕來護蜀門直指按刑同登漢道謂在太常叙  
拜之別許分皇華臨遣之光首枉慶緘益崇雅眷恭惟  
某官道高伊洛文秀巴岷著功名之先鞭蜚騰直上操  
政事之餘刃盤錯皆空由贊治之最以儀中朝借涉筆  
之能以贊外府固應峨峨當軒墀而立胡乃業業為原

隰之行蓋熟知上意之好生欲亟使遠民之蒙惠軫封  
夙駕貫索夜虛肯用司空城旦之書惟專彈治合持法  
從甘泉之橐入備論思某猥自乘邊驟令刺部信無分  
之可采幸有隣而不孤應二星之占偶聯榮於步武得  
五雲之貺知獨妙於語言佩服以還編摩曷既

回本司屬官

青天轉粟漫追杜老之吟綠水泛蓮肯入王公之幕一  
時俊逸四座光輝伏惟某官抱負奇才贊揚遠業惟賢

是寶絕勝照乘之珠以禮為羅少屈翔霄之羽從容妙  
畫增益皇華固須推此道以致君遂將賀本朝之得士  
某乘邊無狀刺部何能幸借重於英僚庶不孤於使事  
領魚雁來書之貺莫辨報珍訪馬牛引漕之規尚資發

藥

莊子先生既來  
曾不發藥乎

### 回權屬官

剖符荆戶邊最茂聞畀節夔門上恩狎至正自甘寂寞  
以居外豈應玷光華之選中靖惟叨逾悉自吹借荷眷

情之不薄枉慶問以相先有譽無箴既慚且感凡轉輸之大計昔所未聞幸察察之多材今其可免

回張通判

自注權參議

小行人之不韙叨此計權

周禮小行人掌邦國賓客之禮籍以待四方之使者外

司馬之同寅妙於贊畫隣輝所照

魯仲連傳管仲光燭隣國白樂天詩光榮

照四隣

老氣為增恭惟某官粹然天成達於世用風流文

彩信所學之有傳富貴功名要以身而自致對揚滋久

譽問甚休方乘輿分千里之光乃疊組借十連之重竚

聞趣召入備論思某猥自乘邊驟令刺部情於轉輸之大計幸然寮案之多才首枉慶緘足觀高誼聽別駕康沂之詠傾向彌深數扁舟沂峽之程接承伊邇其為欣快何可喻云

通安制置

按宋史嘉定二年以安丙為四川制置大使制置使始宣和間建炎以來各路

皆有使其後盡省惟四川沿江有焉四川係成都府沿江係明州

鼎鼎元臣重保釐於四蜀

尚書命畢公保釐東郊

輜軒小使謬將

漕於三巴

十道志渝州巴縣并巴東西是為三巴水經注劉璋分三巴今綿州曰巴西歸州曰巴東

夔州曰中巴杜詩中巴之方依節制之榮合脩箋摯之  
中巴東山又疏鑿控三巴

敬恭惟某官抱社稷之器而被以文藻探聖賢之蘊而  
養其本根勲名與二曜以爭光氣節為一時之獨步從

絳侯者無右袒之士故能成誅呂之功

史記太尉令軍中曰為呂氏者

右袒為劉氏者左袒軍中皆左袒為劉氏宋開禧元年吳曦僭位興州安丙與楊巨源等誅曦於偽宮微

管仲則皆左袒之民何以立強齊之業安危所寄中外

具瞻升之鉉台而不為高揭之旂常而無所愧過百萬

師於枕席妙矣邊籌

大戴禮明王之守也必折衝於千里之外其征也衽席之上還師趙

充國傳威信千里從枕席上過師注橋成軍安行若於枕席上過也余日華啓敵在目中出奇於帷幄之內師

行席上玩敵壯六十郡之藩垣晏然卧護敵騎至於驚於掌股之間

遁蠻獠莫不服從凡所設施亶為卓絕

孔光傳非有卓絕之能注踔高

也才兼將相孰有如諸葛之賢忠貫神明行入踐汾陽

之位

郭子儀傳贊天寶末盜發幽陵外阻內訌子儀自朔方提孤軍轉戰逐北誼不還顧當是時天子西

走唐祚若贅旒而能輔太子再造王室雖唐命方永亦由忠貫日月神明扶持者哉某眇焉孤士

久矣外官晚荷廟堂之知驟叨軍壘之寄未容滿歲即

使觀風當一傳馳驅之初得萬間幪覆其上以流馬運

願承在後之鞭有衮衣歸尚快爭先之睹其為嚮慕罔  
既占陳

賀四川董制置

按宋史嘉定七年以董居誼為四川制置使

維大邦屏選諸法從之英

詩大邦維屏

有外使車云是慈恩

之舊矧方全制於四蜀疇非仰戴於二天喜兼常倫誠

寓先贄恭惟某官世為國史

左傳董狐古之良史也書法不隱

家本儒

宗

董仲舒傳贊仲舒為羣儒首

何王門曳裾之多獨安退靜宜君子

得興之後徑上清華雅望脩名表表於搢紳忠言讜論



拳拳於社稷張旌出境全璧還朝

宋史嘉定六年遣居誼賀金主生辰會金

國亂不  
至而還

適當六國據中原而紛爭安得一賢作邊方之

重鎮上之屬意已久公之自任不凡舉坤維六十州而  
付之勝秦關百萬師而遠矣辭簪筆之侍暫分西顧之  
憂繼衮衣之歌即展東歸之慶某循行在遠欽拜宸疎

想鳴玉於鴛鴦之行夙蒙推借

文選厠迹鴛鴦行韓文  
駕行參綺陌又丹掖列

鴛鴦督飛芻於馬牛之運復得依馮咫尺所陳

曹參傳奉  
咫尺之書

注八寸曰咫尺者言其簡  
牘或長咫或長尺喻輕率也毫分莫究

回重慶權提刑洪知府

奉使三峽之中謬司外計太守一州之表忝與同寅

常袞

集參用名儒典領大郡執禮法以訓人居一州之表為千里之帥

慶問先之高懷異甚

恭惟某官盤洲相種

宋洪适字景伯官至翰林遷簽樞參政拜右僕射號盤洲謚文惠洪

半齋啓鐵硯關心莫續盤洲之地脈繡永具眼好開泮水之天荒

渝水吏聲

渝水在遼西臨渝東

出塞又州名隋置宋改重慶府

五萬卷傳家之書益昌所學二千石牧

民之課獨最諸城就分繡斧之光改畀珪符之寵上眷

所屬中召可期某侯度弗脩

詩質爾人民謹爾侯度

皇華曷稱繫

此存之是賴庶鰥曠之可逃邂逅南樓幸嘗有一日之

雅蒼茫西棹愧莫報五雲之珍

杜詩獨立蒼茫自咏詩蒼茫二字亦有作上聲

用者白樂天詩寒銷春蒼茫又野田何蒼茫東坡詩蒼茫瞰奔流又愁渡奔河蒼茫間蘇子美詩淮天蒼茫背

殘臘感激良深占陳曷既

### 賀交代樂安撫

六條廉問開雲氣於衡山十乘啓行搖星光於峽水先  
聲所震衆聽已孚矧榮連干佛之名復叨綰二臺之印  
其為夙契可廢脩詞恭惟某官極高而蹈乎中至剛而

養以直九成徵曲合登御於廟廷百中奇謀僅見稱於  
幕府上恨相知之晚今當嚮用之辰璽書函箚之交馳

庾政鼎刑之兼舉

左傳晉趙鞅荀寅帥師城汝濱遂賦晉國一鼓鐵以鑄刑鼎著范宣子所

為刑書焉又鄭鑄刑書注鑄於鼎

春言蜀道密邇鄭鄉民俗之利病皆

素知山川之險夷嘗徧歷寵以秘圖之直授以齋鉞之

權

白帖鑿凶門受齋鉞見聞錄齊虞喜志林音側塔切凡師出齋戒受干受斧故云齋也魏志凡將出征必

齋戒於廟受命故曰齋斧方秋崖啓不以賊遺君父亟運帷籌誓安邊立功名誕分齋鉞

即夔所封

分陝而治燒畬煮井庶幾銷愁歎之聲

杜詩煮井為鹽速燒畬度地徧

峽土瘠居人燒地而耕謂之畬田變有鹽井煮泉為鹽森戟疑香孰若遙論思之

列

籙初救切鳥飛疾也唐書籙羽駕鷲

某猥茲督餽強以代庖願還麟虎

之符少釋蚊蚋之負

莊子是猶使蚊負山商虬河張玄晏啓蚊蚋難勝於山岳蠶灰何

報於生成韋承慶詩蚊力負山疲

自曲江亭之宴別頗費夢思

本事詩元稹為

御史鞠獄梓潼時白尚書在京與名輩游慈恩小酌花下為詩寄元曰花時同醉破新愁醉折花枝作酒籌忽憶故人天際去計程今日到梁州時元果及襄城亦寄夢游詩曰夢君兄弟曲江頭也向慈恩院院遊驛吏催人排馬去忽驚身出瞿唐關而候迎豈勝踴躍

回遂寧許侍郎

有華謂之使臣揆才曷勝所寶在於隣國降禮相親雖

貴賤之分或殊豈往來之義可廢恭惟某官摩天負氣

翻水成文

韓詩文如翻水成初不用意為

以四蜀之英魁四海之儒以

萬世之策寤萬乘之主朝罄論思之益夕輸駁奏之忠

當三宿出晝之時孟軻氏誠勇於退為五月渡瀘之舉

葛武侯不憚其行

杜詩渡瀘及五月

邊屏以強上心所異免勞

以元戎之事且尊吾法從之流聊復坐嘯乎玉堂山金

壁池之間又將平步於龍首宮鵠尾閣之上考卜定矣

趣裝俟之某久去門牆老行原隰喜接吟種瓜之有地

阮籍詩昔聞東陵瓜近在青門外連畛距阡陌子母相鉤帶薛能詩邵平瓜地接吾廬愧方船漕

粟之無功鄴食其傳蜀漢之粟方船而下舊辱賞音其敢息流波之操

先廬惠問何足當垂露之書謝言弗工赧色滋甚

### 回瀘州范安撫

奏第天庭慚驥牛之並進

鄒陽傳使不羈之士與牛驥同皂東方朔七諫服罷牛而

驂驥賈誼予屈原文騰駕罷牛驂蹇驢兮驥垂兩耳服鹽車兮杜詩天驥跛足隨羣牛宦游江渚

歎鴻燕之相違

月令孟春之月鴻雁北向仲春之月玄鳥至八月白露之日鴻雁來後五日玄

鳥歸淮南子鴻雁代飛樂府子夜歌鴻雁塞北去乳燕  
指南飛沈約詩遙裔發海鴻連翩出簷燕春秋更去來  
參差不相見李詩越燕喜海日燕鴻思朔雲秦少游詞  
南來飛燕北歸鴻韓文君出我入如相避然林克齋啓  
膠庠游息悵鴻雁之去來計府交承託金蘭於出  
處鄭雪巖啟雖似燕鴻之相避詎容魚鯉之未將方扁

舟沂峽之初屬大纛渡瀘之久高公之誼先我以書恭

惟某官大應霄躔望儲坤絡自魚鳧蠶叢之開國輩出

異人

揚雄蜀本紀蜀始王曰蠶叢次曰伯雍次曰魚鳧唐詩蠶叢及魚鳧開國何茫然

如鳳麟

芝草之瑞時首推明府穿朝衫而雅倦袖郎筆以遽行  
龍節虎符控臨荆水繡衣玉斧照耀蜀天眷茲江陽屬



我賢帥儒兵無敵豈干戈介冑之威土俗自馴皆禮樂

詩書之教外庸滋茂大任有歸某望阻光塵

老子和其光而同其

塵張說詩朝市光塵絕

屢更華序茲叨乘於小傳乃密接於巨藩

分楚月於南樓雖失趨承之便聚漢星於東井尚資輝

映之多

井鬼蜀分野天文志漢元年十月五星聚於東井

報言甚疎有懷莫究

賀范安撫除直煥章閣再任

進職疏恩堯章增煥疇庸因任周屏益強載揚齋鉞之

威合展慶函之禮恭惟某官兩川冠冕

文選海內冠冕

四瀆舟

航欲天下之皆澄清風采不殊於漢使當朝廷之大述  
作詞華可繼於蜀公表著在壁星之間蕃宜居連國之  
上虎貌整暇蠻獠妥寧二年之最登聞九重之命亟下

雖再屈雲霄之雋武頗鬱具瞻

東坡集暫屈雲霄之  
步一蘇嶠嶺之民

然

盡銷田里之歎聲何妨終惠吏民素見於悅服江山復  
為之光輝殆如醫師探囊中之方皆其已試正恐宣室  
動前席之想行矣遄歸某附尾龍門傾心燕厦督方船  
之運顧何補於戎儲幸輔車之依尚有資於隣照懽悰

所萃訥語奚宣

賀鄭大諫除僉書兼參政

按宋史嘉定七年秋七月以左諫議大夫鄭昭

先僉書樞密院事  
兼權參知政事

二府對開一賢參用君臣若合符契既聞言聽而諫從  
軍國素有紀綱佇見政立而事舉揚茲休命示我強形  
恭惟某官為世清流得天正氣才堪大任他人不足而  
已有餘道以直行自昔甚難而今若易進接閭闔橫踰  
縉紳凡五遷皆謬之司甫四載至宥密之地蠻夷自

擅久矣合講邊功江淮煩費蕭然方懲前事

夏侯勝傳無懲前事

豈若帷幄得運籌之傑自然樽俎有折衝之威仍陪宰

席之經綸

宋制擢陪宰席

併作儲宮之羽翼便蕃寵數超越常

倫吉甫之憲萬邦實兼資於文武

詩文武吉甫萬邦為憲朱穆傳兼資文武

海內奇士

子儀之考中令蓋兩注於安危

郭子儀傳以身為天下安危二十年

授中書令考二十四

即據遠猷克對前美某謬乘小傳仰託洪鈞

聽顯拜之特殊覺懦衷之亦起在赤甲白鹽之下極力

驅馳望黃樞紫機之間有光臨照其為權杼罔既名言

賀刑部范尚書

出綽右省總綱中臺以君子聽棘木之刑務行公道則

天下被蓼蕭之澤安有冤民

詩蓼彼蕭斯零露漙漙詩序蓼蕭澤及四海也況

象應北斗之尊且位當西火之次

尸子西方為秋張景陽詩大火流坤維七

命龍火西類暄氣初收

觀瞻有煒頌咏交騰恭惟某官黼黻天成

琳琅世濟在忠宣繼相之後挺挺祖風

宋范純仁字堯夫謚忠宣文正

公之子文正公慶厯中參大政忠宣公元祐初拜右相

至嘉定更化之初轟轟言

路

轟音烘羣車聲

儉人誰不褫氣明主亦為霽威左史記事右

史記言秋官掌刑春官掌禮代敷盤詰之旨勸講丘索之書華要徧儀便蕃異眷欲明清於庶獄莫貴重於六

卿喉舌是司根本攸繫

晉康帝起居注尚書萬事之本朕所責成

上所欽恤

公其端平先規克承謂輕殺非盛德之事中詔嘉獎以好生為永命之原此即壽域八荒之成模又將台輔一門之相踵某謗焉無取誤矣受知顧蕩節之叨逾惟翹材之依嚮轡轡星辰之上阻聽履聲驅馳原隰之間願窺鞭影懽宗所萃拙翰奚彈

回成都揚提刑

鼓柅沂流來穿楚峽

杜詩乘桴鼓柅白帝城又即從巴峽穿巫峽

揚鑣分路

同上蜀天昔嘗附慈恩之姓名今又接皇華之步武賢

哉從事惠及故人恭惟某官標格不凡源流益遠考汾

隅周氏之譜世德有承

揚雄反離騷有周氏之蟬馮分或鼻祖於汾隅注言系出周氏

而食采於揚故曰始祖於汾陽也

擅關西夫子之名家風固在甲於俊

造之選

禮記命鄉論秀士升之司徒曰選士司徒論選士之秀者而升之學曰俊士升於司徒者不征

於鄉升於學者不征於司徒曰造士服在華要之班金掌澄輝夜照棘林

之下繡衣絢采畫行井絡之間

柳文井絡坤垠

寓直寶儲

東坡謝龍

圖閣學士詩中禁寶儲上應奎璧之象先朝謨訓遠同河洛之符

決平砥道

漢書于定國決獄平

法務在哀矜詩周道如砥衛展陳諺言表謗言廷尉獄平如砥有錢生無錢死謂臨軒遣送之意

厚故攬轡澄清之志高以天下任諸身則我公歸有

日某一違紫芝之宇

唐房綽見元德秀歎曰見紫芝眉宇使人利名之心都盡蘇源明嘗

語人曰吾不幸生衰俗所不恥者識元紫芝也王荆公詩紫芝眉宇傾一座

五見黃菊之秋

月令季秋之月菊有黃華楚詞餐秋菊之落英 竭來翰將託在隣好孤山把酒

猶記叙同登之懽

孤山在西湖中獨立一峰林和靖隱居之所白樂天詩孤山園裏麗如粧



復浦傳書聊用答先施之寵

魚復浦在夔州唐詩水生魚復浦

其為傾

嚮罔既占陳

回四川趙茶馬

都司提舉茶馬宋官名始于元豐四年從羣牧判官郭茂恂之請姑

併茶馬為一司

一臺漕挽之權上恩過予四路權收之任外計獨優

四路

謂成都益梓利益梓利三路應副博茶紬絹成都路產茶雖雋軌之莫攀尚隣輝之

可借恭惟某官天人眉宇

杜詩汝陽讓帝子眉宇真天人

公室本枝唯

萬乘知己之甚深故九霄除目之屢下稠疊雙旌之寄

江漢流聲春容六轡之行井參增耀

禮記待其春容韓文春容乎大篇參

益州東井雍州

方觀賜繡裳以歸覲旋聞易使傳而超陞綠華

紫英獨擅摘山之利

杜陽雜編同昌公主上每賜饌其茶則有綠華紫英之號宋制掌摘

山煮海之利以佐國用又摘山市駿具著科條又講摘山之利得充廢之良

輕蹄峻耳遂空

過野之羣

杜詩竹批雙耳峻風入四蹄輕韓文伯樂一過冀北之野而馬羣遂空非無馬也無良馬

也寵以秘府之隆名究此富邦之妙術佇攸一札入扈

六飛

表盤傳聘六飛注六飛六馬之疾若飛也

某將指非才齋身取庇曾未

脩於雅好乃先辱於榮褒鸚鵡洲前幸嘗挹清風之表

駒駟原上還思對白雪之甌

杜詩我馬維駒又我馬維駒  
杜詩君家白盤勝霜雪

翬翬此情

鮑宣傳極竭翬翬之思注翬音沐猶蒙蒙也  
謹厚之貌胡銓啓徒彈翬翬之誠靡効區區

之慮余日華啓引首仰牆惟沾沾  
而志喜拜手尺牘徒翬翬以馳誠縷縷難罄

橘山四六卷十九

欽定四庫全書

橘山四六卷二十

宋 李廷忠 撰

明 孫雲翼 注

回利路任運使

沂流月峽險阻備嘗

華陽國志巴郡江州有明月峽峽首南峰石壁有圓孔形如明月因

以為名李詩春水月峽來杜詩遙從月峽傳又東征下月峽

接畛星臺光華分照荷

春情之不薄枉慶問以相先恭惟某官坤絡儲珍霄躔

垂曜考四海以為雋跨三都而擅雄著功名之先鞭氣

奪凡馬操政事之餘刃目無全牛疊最蕃宣益隆簡眷

維劍閣道之要地

華陽國志諸葛亮相蜀鑿石架空為飛梁閣道即古劍閣道也

乃竹

符使之舊遊就界簞函仍參閭畫方舟下蜀漢之粟獨

妙轉輸制挺撻秦楚之兵允資餽餉佇有來於徵召即

入備於論思某久矣服膺

東方朔傳服膺而不釋

冒焉將指幸同

寅之有託雖異處而不孤原隰驅轡絲信難攀於逸駕

詩六轡如絲

鄰舍煩書札愧莫報於珍投

杜詩鄰舍煩書札肩輿強老翁

切感藏罔殫敷叙

賀應殿院

玉檢疏恩

武帝紀注有金策石函金泥玉檢之封謂以玉為檢束

鐵冠總憲

唐制烏臺

峻秩望總鐵冠蒼玉崇班威高石室

擢從七諍本天子耳目之官

唐令百官言事

詔朕日有所念直辭讜論時或罕聞五七諫臣其人安在宋景德三年詔諫議大夫司諫拾遺咸預軒墀之列

是為耳目之官端處一臺實朝廷紀綱之地持我公論革彼邪

心白樂天行柳公綽制有守者邪恭惟某官蒼島儲精丹

霄振響一麾得請已深賈傅之思

賈誼傳後歲餘文帝思誼徵之又文帝思

賈生之賢四牡勞還豈獨吳儂之惠

詩四牡騤騤周道倭遲豈不懷歸王事靡盬我

心傷悲詩序四牡勞使臣之來也

吳人稱我曰儂東坡詩語音帶吳儂 蘭在握而韻遠蒲

屢伏而氣剛知無不言識者相慶謂雷霆之威觸之而

弗忌則風霜之任畀之而亦宜矧王路有荆棘之可鋤

且國病非鍼砭而莫療

左傳上醫醫國其次醫醫人

仍資獨誦用廣

上聰竚收糾正之功丕闡變和之業某謬司外計阻與

前趨慚光華六轡之詩若為稱塞佩澄清五事之畧敢

不奉行頌詠之私編摩曷既

賀黃正言



對敎紫煥伏奏青蒲有李勉尊朝廷邪斯劾矣生山甫  
保天子闕則補之御筆方新師謀允洽恭惟某官純潔  
勁正之操豐碩卓偉之才夙成自天特立於世有活國  
方而未試非連城價而莫酬至公之路肇開遺直之風  
復振秋霜而鷹隼擊既肅正於紀綱朝陽而鳳凰鳴乃

太平之景象何遲遲乎二十五月而後轉

續通典王播奏舊例監察

御史在任二  
五月轉

宜切切然三百餘奏之併陳

唐職林魏徵太宗時拜諫

議大夫日益親或引至卧內訪天下事徵亦自以不世  
遇乃盡底蘊無所隱凡三百餘奏無不剴切當帝心者

疊組疏榮巍冠勸講敷明千古之理亂恢廣九重之見

聞毋久塵逆耳之言行大究格心之業某將輸遐徼阻

蓬崇閣

里門曰閣左傳高其閣閣王文公集用自絕於高閣

仰問望之素高喜拜

除之特異訪民隱以達於上敢不疚懷定國是者居其中孰非吐氣翹誠所萃哇俚奚宣

### 賀李察院

顯奉帝俞晉司臺察陪太常之四馬駕儲望已高

晉書輿服

志太常駕駟中道戟吏六人

聯御史之六豸冠揚威益遠悉杜羣枉

劉向傳持不斷之用基太平恭惟某官宮羽斯文

宇文道廣

信集序五聲調應則宮徵成其權衡其政自得古今淵

源之趣肯作州縣塵埃之容已有僉言必為偉器

孔融傳高

明必為偉器曾儀庭之未久乃憲府之聿新竹院松廳增嚴

凝之氣象

唐呂大一拜監察御史裏行自負才華而不即真因咏院中叢竹以寄意曰濯濯當軒竹

青青耐歲寒心貞徒見賞籜小未成竿因話錄察院諸廳各有他名會昌中監察御史鄭路所葺禮察廳謂之

松廳蓋廳南有古松也狐城鼠社消邪險之心謀

說苑客謂孟嘗君曰狐者人之

所攻也鼠者人之所熏也臣未見稷狐見攻社鼠見熏何則所託者然也韓非子管仲對桓公曰君亦見夫社

木者乎樹木而塗之鼠穿其間窟穴託其中熏之則恐  
焚木灌之則恐塗地此社鼠之所以不得也漢中山王  
傳社鼯不灌屋鼠不熏虞延傳慨使公道大明於更化  
朝廷之巨蠹久依城社不畏熏燒  
之朝由端人特立於敢言之地肅糾繩於百辟正楷模  
於四方秉我國成由此塗出某誤恩將指賀禮莫躬深  
自激於懦衷遠何逃於明目宏綱既舉豈專用柱後之  
惠文善類知歸固應有筆端之造化

李賀詩筆補  
造化天無功欣然

舞躍拙矣編摩

賀交代安撫王大卿

周命上卿升華論撰楚號大國倚重蕃宣帥視漕以為

高

帥安撫漕轉運

祝代庖而有款符將合矣摯以先之恭惟某

官尚友古人用賓王所

易觀國之光利用賓于王

當其奮仁者之勇

雖大風動地而不移使之究儒者之功則徧雨崇朝而

可待甫晉儀於鴛鴦乃出護於貔貅豈惟戊巳之屯獨

飽於兩川抑令庚癸之政兼饒於六路署於金掌簡在

王旒念巴峽之要區控蠻荆之絕域武畧昔圖於八陣

雜兵書八陣一曰方陣二曰圓陣三曰牡陣四曰牝陣五曰衝陣六曰輪陣七曰浮沮陣八曰雁行陣桓溫傳

諸葛亮造八陣圖於魚復平洲之上壘石為八行行相  
去二丈劉禹錫嘉話錄夔州西市俯臨江岸沙石下有  
諸葛亮八陣圖箕張翼舒鵠形鶴勢聚石分布宛然尚  
存峽水大時三蜀雪消之際傾湧混洋大木枯槎隨波  
塞川及水落川平萬物皆失故態唯諸葛亮小石之  
堆標聚行列依然杜詩功蓋三分國名成八陣圖 戎

弢今統於十連宜得詩書禮樂之英往專弓矢斧鉞之

令雖鄭公鄉通德門之差遠每費夢思然夔子國制勝

樓之方新要煩鎮撫

制勝樓在夔州唐神龍三年改立武門為制勝樓

凝清香

而少憩放紫渙以邁歸某偶同部封密邇隣照顧無一

之可取俾共二以奚堪奉明條於總餉之臺辱知有素

歸重印於本兵之府交契彌深疊此會逢窘於敷叙

赴無為教官回學職

濫司名教師不範而甚慚樂得英才坐無羶而何歎相  
與切磋於道義庶逃曠敗於簡書惠問先之高懷異甚  
蓋魯諸儒家自為學而漢五經世不乏人

漢書儒林傳贊  
自武帝立五

經博士開弟子員設科射策勸以官祿迄於元始百有  
餘年傳業者寢盛枝葉蕃滋蓋利祿之路然也後漢儒林  
傳光武中興愛好經術四方學士莫不抱負墳甘為獨  
策雲會京師於是立五經博士各以家法教授

冷之遊正藉多聞之益解疑辨惑儻可就而正焉掩垢

匿瑕豈有笑於列者

左傳瑾瑜匿瑕國君含垢韓文言未既有笑於列者

佇偕觀

面悉究謝懷冗不果詳亮之則幸

赴旌德知縣回學職

量材授官為薛大夫而奚可入境問俗知衛君子之實

多且虞錦製之傷特枉瑰辭之問恭惟某官

下有儒流闕文

賴其表帥讀六藝以探周孔孰知旨趣之深宗百代而

躡王劉自得語言之妙

晉書陸機文遠起枚馬高躡王劉

席珍既富拾

芥何難看賢書登大比之年

周禮鄉大夫之職三年則大比攷其德行道藝而興



賢者能者鄉老及鄉大夫帥其吏與其衆賓以禮禮賓之厥明鄉老及鄉大夫羣吏獻賢能之書於王王再拜受之登於天有仙籍照廣寒之月某謬傳縣譜強主文府內史貳之盟倥偬下車敢未遑庠序之教從容入閣期相與仁義之言作報甚疎有懷莫既

### 生日謝同官惠詩詞

左弧有志已勸遨遊

禮記男子生以桑弧蓬矢六射天地四方示男子之所有事也又男

子設弧於門左別駕無功奚堪歌詠荷眷情之不薄馳褒語以

相先珠琲粲然

珠琲不圓也

草菅榮甚

賈誼策刈民如草菅詩露彼菅茅左傳雖

有絲麻無棄菅蒯

顧吾少也賤只合為田父之吟俾爾壽而臧

何以答詩人之貺

詩俾爾昌而熾俾爾壽而臧左傳其何貺如之又君貺之以大禮但

知藏去莫喻歡忻

生日謝同官惠詩詞

自注鄂渚

吳儂老矣生而逢登麥之秋

月令孟夏之月農乃登麥又是月也靡草死麥秋至

蔡邕月令章句百穀各以初生為春熟為秋麥以初夏熟故以四月為麥秋後漢書禮儀志皆須麥秋文選麥

秋晨氣潤北史蘇綽傳麥秋在野

楚客賢哉歌以祝如松之壽

詩如南山之壽

不塞不崩如松柏之茂無不爾或承

清風入袖柳文垂露在懷白雪盈箋佩

雅春之有加視屣蹤而甚歎脩書以謝朋友莫稱先施

藏襲以示子孫尚為永好

左傳何以示子孫詩匪報也永以為好也

生日謝同官惠詩詞

自注荆門

有祿二千惟良乃稱

漢書與我共理惟良二千石乎

行年六十既老奚

為

莊子孔子行年六十而六十化左傳余髮如此種種余奚能為又石碯曰老夫耄矣無能為也又燭之武

曰臣之少也猶不如人今老矣無能為也已

屬垂矢之在門驚投珠之入袖

譽浮於實顏覲何多聞楚客之清歌餘生易感祝魯公

之純嘏此意難酬

生日謝同官惠詩詞

自注  
夢門

乘四牡車老行蜀道射六蓬矢遠去吳門顧壯志之已  
違縱長年而何補華賤委貶陋質難勝妙絕黃絹之詞  
寵褒過實蹉跎朱紱之慰藏襲為榮

回柳州葉守定婚啓

展別駕之足漫爾為官居千騎之頭榮哉得壻

古樂府  
東方千

餘騎夫壻  
居上頭

昔嘗因半日之雅而論定今將歷重湖之險

以來歸不負初盟且勤遠貺孰謂郴陽之無雁忽墮好

音秦少游詞衡陽猶有雁傳書 縱使武昌之有魚難充

異味

左傳必嘗異味杜詩喜報珍歎甚 副墨疏之莊子

副墨之子

### 辛僉判宅定婚啓

吾嘗同僚方篤子孫之好

左傳同官為寮吾嘗同寮敢不盡心乎 人各有

偶莫先家室之求

左傳人各有耦齊大非吾耦也

信夤緣之自天故會

逢於此地且寒宗僅能世詩書之業而弱子奚堪壻卿

相之門因導言之既通

離騷經理弱而媒拙

在脩贄而

敢後不以貨財為禮聊復定盟

禮記貧者不禮以貨財為禮欲得婚姻

及時佇須合卺

詩序婚姻以時國無鰥民禮記婚義共牢而食合卺而醕

### 辛僉判納聘啓

泛蓮池上喜接賓筵采藻澗濱欽聞閨範

詩于以采蘋南澗之濱于

以采藻于彼行潦

適遂好逑之願

詩窈窕淑女君子好逑

爰申作合之期

詩天作之合

侯祿漫云三千酸寒固在

韓詩酸寒漂陽尉

婚幣無過

五兩誠敬是將

周禮媒氏掌萬民之判凡嫁子娶妻入幣純帛無過五兩

有少微儀

具於別楮

回荊州士人得解啓

叨乘一障奉明詔以興賢妙選五材隨公車而上計太

御覽五材並用文武程功蘇頌行陳正觀制五材是用  
百官授職東坡帥武定有武臣狀極朴陋以啓事來獻  
坡讀之甚喜以示幕客李端張問何者為最佳句端張  
曰獨開一府收徐庾於幕中並用五材走孫吳于堂下  
此佳句也視此郎眉宇間決無是語得無假諸人乎坡  
曰使其果然固亦具眼武帝紀舉賢能方正直言極諫  
之士詣公車又徵吏民有明當世之務習先聖之術者  
縣次續食令與計偕注計者上計簿使也令所徵之人  
與上計已羨擅場之高作國史補唐人宴集必賦詩推  
一入擅場郭曖尚昇平公主  
者俱來  
李端詩擅場送丞相王縉之鎮幽朔韓翃擅場送丞相  
劉晏之巡江淮錢起擅場杜詩畫手看前輩吳生遠擅

場陳后山詩  
擅場推老手

復驚銜袖之暗投

韓文文書銜袖鄒陽傳明月之珠夜光之璧以

暗投人於道玉海禮部采名譽觀素學故預投公卷柳宗元上權德輿卷後周賓儀請進士省卷納五軸以上

恭惟某官藏器於身

易君子藏器於身待時而動

得時則駕

史記君子得時

則駕不得時則蓬累而行

學為有用富海寶於胸中文出自然粲天

葩於筆下

韓詩天葩吐奇芬

明有司固應具眼老太守亦為點

頭

侯鯖錄歐陽公知貢舉日每閱試卷坐後常覺一朱永點頭然後其文入格初疑侍吏及回頭一無所見

因話其事於同列為之三歎嘗有句云文章自古無憑據惟願朱衣一點頭又清夜夢中糊眼處朱衣暗裏點


時既以名聞尚須力勉觀鵬搏萬里而上者變化何難



歌鹿鳴三章以送之歡忻何限

唐史唐貢士之科有秀才有明經有進士有明

法明書明算六科每歲仲冬郡縣館監課試其成者長吏會屬察設主賓陳俎豆備管絲牲用少牢行鄉飲酒禮歌鹿鳴之詩召耆老叙少長而觀焉既餞而與計偕其不由館學而舉者謂之鄉貢韓愈贈張籍詩州家舉進士選試謬所當馳辭對我策章句何煒煌相公朝服立工席歌鹿鳴禮終歌亦闕相拜送於庭



橘山四六卷二十